

54 8/6/2021
11:27



Bekalan ikan di pasaran mencukupi

Walaupun pendaratan ikan berkurangan 10 peratus sepanjang PKP 3.0

BUKIT GANTANG

Bekalan ikan di pasaran di jaya mencukupi walaupun penadaratan ikan berkurangan 10 peratus sepanjang Perintah Kawalan Pergerakan (PKP) 3.0.

Pengerusi Lembaga Kemajuan Ikan Malaysia (LKIM), Datuk Syed Abu Hussin Hafiz Syed Abdul Fasal berkata, kekurangan pendaratan itu disebabkan operasi bot di laut dalam menghadapi kekurangan awak-awak yang tidak dapat dibawa

MEMDEPANI KRISIS COVID-19: APA TINDAKAN KITA?

masuk ke negara ini.

Beliau berkata, laut dalam memerlukan tekong dan awak-awak dalam kalangan warga asing kerana warga tempatan tidak mampu untuk melakukan kerja itu disebabkan tempoh pekerjaan berkenaan memerlukan masa yang lama.

Namun begitu, beliau berkata, kekurangan penadaratan ikan dapat ditampung oleh kegiatan nelayan tempatan.

"Bagaimanapun LKIM mempunyai stok bekalan ikan sejuk beku yang disimpan oleh syarikat-syarikat yang boleh membantu menampung kekurangan bekalan ikan di pasaran," katanya pada sidang media di Pusat Khidmat Parlimen Bukit Gantang di sini pada Isnin.

Syed Abu Hussin berkata, pihaknya sedia meminta mana-mana syarikat supaya mengelu-

arkan bekalan ikan sejuk beku apabila permintaan diperlukan.

Ditanya mengenai aktiviti laut dalam, beliau berkata, masalah dokumentasi dan prosedur di negara asing menyebabkan awak-awak tidak dapat dibawa masuk untuk bekerja di sektor berkenaan kerana PKP.

"LKIM sudah mendapat kelulusan dari Jabatan Imigresen untuk membawa masuk awak-awak dari Thailand dan Vietnam untuk bekerja di laut dalam dan ada sesetengah awak-awak telah dibenarkan masuk namun kami masih memerlukan pekerja asing untuk bekerja di sektor itu," katanya.

Syed Abu Hussin berkata, LKIM sedia membantu syarikat membawa masuk pekerja asing melalui jalan darat dan mereka hendaklah mempunyai pas perjalanan masuk ke negara ini.

Katanya, syarikat yang mahu mengambil pekerja untuk bekerja di laut dalam perlu membayar kos kuarantin terha-



Syed Abu Hussin (tengah) menyerahkan cek elauannya bernilai RM105,000 kepada Pegawai Daerah Larut Matang dan Selama, Mohamed Akmal Dahalan sambil diperhatikan Ketua Polis Daerah Taiping, Asisten Komisioner Osman Mamat (kanan).

dap warga asing terbabit setelah memasuki negara ini.

Syed Abu Hussin turut maklumkan pemotongan elauan bulanan ahli Parlimen RM25,000 sebulan dan elauan Pengerusi LKIM (RM10,000 sebulan) berjumlah RM105,000 selama tiga bulan mulai bulan ini sehingga Ogos untuk Ta-

bung Bencana Daerah Larut Matang dan Selama.

Pada Isnin, Syed Abu Hussin memberikan bantuan 1.5 metrik tan ikan kembung (1,500 bungkus) untuk diserahkan kepada 1,218 rumah di Taman Berkat yang dikenakan Perintah Kawalan Pergerakan Diperketatkan (PKPD). - Bernama